



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

An Deo vel sanctis Missam celebramus. tit. 222

**urn:nbn:de:hbz:466:1-29452**

Tertiò, Deus habet multa media, per quæ dona sua distribuit, vt per fidem, sacramenta, pia opera, & gratiam: sic etiam per sanctos tanquàm media, & intra commembra sæpè dona sua largitur, sicut sapienter diues per manum alterius, terui aut filij dat egentem eleemosynã. Et sic rectè orat ecclesia: Domine Deus, da mihi per meam & B. virginis, S. Petri &c. intercessionem hoc vel illud propter nomen Domini nostri Iesu Christi, multum differunt hæ præpositiones, Per & Propter: Ecclesia tamen, non malè faceret, si quædam verba in orationibus sanctorum emendaret, vel propter simplicium fiduciam, aut hereticorum calumniam.

AN DEO VEL SANCTIS

*Missam celerabimus.*

TITVLVS CCXXII.



CIENDVM primò, quòd confessoribus, martyribus, Apostolis, B. virginis & cæteris sanctis, non ædificamus templa & ecclesias, sicuti Pagani suis dijs fecerunt: nec erigimus altaria, nec corpus eorum ac sanguinè offerimus, aut illis sacrificamus: sed vni Deo & Domino nostro Iesu Christo offerimus sacrificia laudis & gratiarum actionis, quia sanguinem suum pro nobis fudit in cruce, Matthæ 27. & quia ipse dixit Matthæ 26. Hoc est corpus meum &cæt. Hoc enim Christus facere iussit, Luca 22. Hoc facite in mei commemorationem, &cæt. Solum ergò Christi corpus & sanguinem offerimus patri. rogantes vt propter illum nostri dignetur misereri. Hoc autè sacrificiũ alio modo se habet, id est, mysticè, non sanguinolentè, sicut erat in cruce.

Secundò, Memoriam sanctorum, facimus solum in Missa, quæ est de Deo, non de sancto: in collectis & orationibus mentionem de sanctis habemus, quorum

Spiritus credimus apud Deum viuere, vt vnà nobiscum Deum exorent, pro cuius fide sanguinem suum iuderunt, & parati fuerunt fundere. At substantialia Missæ, id est, consecratio panis in corpus, &c. sumptio, adoratio, cæremoniæ &c. Christum & solùm Deum respiciunt, non sanctos, idèd nulli sanctorum celebrantur Missæ, sed in Missa, quæ Deo fit, memoria sanctorum habetur iuxta deuotionem hominum.

Tertiò inquirunt: Christus iubet solam memoriam in ipso facere in Missa non sanctorum, Luc. 22. Hoc iucere in meam commemorationem, non dicit, in sanctorum, Respond. Christus iubet comedere & bibere corpus & suum sanguinem Matth. 26. in suâ memoriam, At non comedimus corpus, & bibimus sanguinem sanctorum. Idèd hic fit diuersa & alia commemoratio, nempe sanctorum in orationibus & collectis, & alia in sumptione & potatione sanguinis Christi, sicut non comedimus crucem & mortem Christi, quorum tamen memoriam etiam habemus, &c. Sed corpus, quod in cruce pependit.

Quartò, quod in honorem sanctorum Deo celebramus Missam, & in Missa illorù nomina, & recitamus, & memoriam habemus: Hæc est ratio: Omnis Missa fit pro toto corpore Ecclesiæ, quod vnum est, & Christus caput, 1. Corinth. 12. Idèd in Missa aut gratias agimus pro acceptis beneficijs, sicuti iam sancti meruerunt regna per fidem, Hebræo. 11. aut petimus misericordiam propter effusum sanguinẽ Christi. Quia cum sancti iam regnant cum CHRISTO, qui sunt membra nostri corporis: idèd in hoc generali sacrificio laudis & gratiarum actionis illorù commemoracionem celebramus, illis congratulantes. Hinc quoniam in Missa rogamus pro misericordia, idèd illos alloquimur, vt vnà nobiscum comprehendatur Deum patrẽ, vt participes nos efficiat meriti sanguinis Christi, vt quoquẽ ad regna cælorum

in constanti fide peruenire valeamus. Hæc est pia & simplex intentio Ecclesiæ, & cæte. Deo igitur, & non sanctis celebramus Missas, & cæ.

*QUARE RELIQUIAS, S. E.  
pulcra, & miracula sanctorum  
veneramur.*

TITVLVS CCX XIII.

**P**RIMÒ, sanctorum ossa & reliquias veneramur, quia fuerunt instrumenta, per quæ Deus nobis prædicauit fidem & verbum suum, atque salutis viam ostendit. Si enim crucem, vestimenta, lanceam, clauos Christi &c. veneramur, cum quibus medijs nos saluauit, cur sanctorum reliquias contemnamus & reputemus tamquam vngulas equorū & cæ. Confortatæ fuerunt mulieres in articulo resurrectionis, videntes locum, quæ angelus illis ostendit Marci & Matt. vlt. Sic Apostoli videntes linteamina in sepulcro Christi, Ioan. 20. & cognoscunt scripturam quod debuit à mortuis resurgere, sic sanctorum reliquiæ ducunt nos in memoriam beneficiorum Christi.

Secundò, Deus ornat sepulcra sanctorum miraculis, vt sciamus sanctos nondum mortuos spiritu, sed viuentes apud Deum, vt sic fides nostra de vita æterna, propter Christum & resurrectione confortetur: non ipsi sancti faciunt miracula, sed Deus & saluator noster Christus: sic etiam fecit in vita eorum ad confirmationem Euangelij, Marc. vltim. vt certiores reddamur, quod verum Christi euangelium prædicârunt. Sic de miraculis dicit August. lib. 22. de ciuitate Dei, capit. 9. Omnia miracula, inquit, idè sunt & facta sunt, propter illū articulū q̄ Christus vnice & natus est ex virgine Maria, & mortuus & passus, pro salute nostra, Idè contra Iudæos & incredulos qui